



**Claudii Fleurii Abbatis Historia Ecclesiastica**

Ab anno Christi 1562 usque ad annum 1563

**Fleury, Claude**

**August. Vind. [u.a.], 1771**

**VD18 9011860X**

§. 73. Postulata Legatorum ad Oratores, ac horum responsa.

---

[urn:nbn:de:hbz:466:1-66641](#)

Sæcul. XVI.  
A.C. 1562.

permitterentur, si deficerent Catholici: cum sola horum capitum propositio Augustissimum Cæsaris nomen hominibus, ac Synodo infensum redderet: verum Dracovitius adjecit, quod, quamvis Præfides hæc postulata æque ac alia, quale est illud de Cardinalium numero ad viginti sex redigendo, a Partibus rejicienda præviderent, nihilominus ea Synodo proponere deberent, ut Cæsarem, ejusque petita a se plurimi haberi palam facerent.

### §. LXXIII.

#### *Postulata Legatorum ad Oratores, ac horum responsa.*

Ex diversis hisce tam Cæsareorum, *Pallav. c. II.*  
quam Gallorum postulatis Legati *n. 7. & 8.*  
haud temere conjiciebant, quod nec *& 9.*  
hi, nec illi emendationem sincero animo desiderarent, sed potius Synodi prorogationem exoptarent, ut eo securius privata sua confilia exequi possent: qua propter per Musottum, qui Cardinali Seripando a secretis erat, Gallis Oratoribus hæc responderi jusserunt: "Post stridie Theologi incepturi agent de Ordinis Sacramento; quo ab illis absoluto, inchoabunt Patres deliberationem de iis, quæ ad illud Sacramentum spectant: ast inter utrumque opus tantum temporis elabetur, quantum

,ad



**Sæcul. XVI.** "ad Gallorum Præfulum adventum  
A.C. 1562. "tis erit: Insuper antequam de morum  
"emendatione leges proponentur, illæ  
"Oratoribus exhibebuntur, ut ipsi po-  
"sint significare, quid ipsis occurreret,  
"five ex propria sententia, five ex suo-  
"rum Principum mandatis: interm-  
"vero ea capita iidem scripto exhibeant,  
"quæ idonea existimabunt, ut de illis  
"maturius deliberari valeat.

Ad hæc ita respondebant Oratores:  
"nequaquam impedituri sumus, quo-  
"minus Patres de articulo, qui excu-  
"tiendus proponeretur, agere possent,  
"unice tamen rem non adeo festinante  
"urgeri petimus, ut Gallis adventanti-  
"bus jam omnia confecta forent, de-  
"cetero autem nihil nobis circa emen-  
"dationem speciatim addendum super-  
"est, cum illam in Patrum studio, ac  
"prudentia reposuimus, quamquam de  
"ea haud mentionem fieri consulamus,  
"priusquam Franciæ Prælati adveni-  
"fent: nihil ergo nobis reliquum est,  
"quod proponeremus, præter ea, quæ  
"in Regis nostri libello Legatis tradito  
"continentur, si tamen quicquam ultro  
"proponi oporteret, id potissimum eslet,  
"ut veterum Conciliorum Sanctiones  
"innovarentur, ac Religiose custodi-  
"rentur. ,

S.LXXIV.

